

**INFORMACIJA OSVEČANOJ SKUPŠTINI POVODOM OBILJEŽAVANJA 15 GODINA POSTOJANJA  
UDRUŽENJA POSLODAVACA FBiH**

**Svečana Skupština povodom obilježavanja 15. godina postojanja UPFBiH, održana je u Hotelu Holiday, sa početkom u 13:00 časova.**

Obilježavanju je prisustvovalo 220 predstavnika najvećih i najznačajnijih kompanija iz cijele FBiH, zatim predstavnici izvršne i zakonodavne vlasti u Federaciji Bosne i Hercegovine, predstavnici sindikata, privrednih komora, nevladinih organizacija, regionalnih poslodavačkih udruženja i međunarodne organizacije.

Također, prisutan je bio i veliki broj predstavnika elektronskih i printanih medija.

Treba istaći da je na svečanosti prisustvovao Marinko Čavara - predsjednik FBiH, zatim potpredsjednici FBiH Melika Mahmutbegović i Milan Dunović, premijer FBiH Fadil Novalić, zamjenica premijera FBiH Jelka Milićević, Lidija Bradara - predsjedavajuća Doma naroda Parlamenta FBiH i mnogi drugi uvaženi gosti.

U okviru obilježavanja 15. godišnjice Udruženja dodijeljene su zahvalnice, povelje, priznanja i velike povelje.

**Povelje su uručene:** Udruženju poslodavaca Crne Gore, Uniji udruženja poslodavaca RS, Uniji poslodavaca Srbije, Biznis konfederaciji Makedonije, Udruženju poslodavaca Brčko Distrikta. Draganu Radiću iz Međunarodne organizacije rada (ILO) povelja će biti uručena naknadno. Prof. dr. Mehmedu Jahiću, redovnom profesoru sarajevskog Ekonomskog fakulteta povelja će biti uručena naknadno.

**Zahvalnice su uručene:** Hamedu Šivšiću iz kompanije Rail Cargo Logistic, Branu Vujčiću, savjetniku za razvoj poslovanja kompanije Ping d.o.o. u kojoj je dugo godina obavljao funkciju direktora, Milenku Čolaku, šefu finansija i računovodstva u Lageru iz Posušja, Rasimu Salčinoviću, počasnom članu upravnog odbora poslodavaca Zeničko-dobojskog kantona i Midhatu Terziću, donedavno dugogodišnjem generalnom direktoru Sarajevo-osiguranja. Senidu Gerinu, direktoru firme Ocean iz Travnika zahvalnica će biti uručena naknadno.

**Plakete su uručene:** Predragu Čoviću, direktoru Vodospoka, Anti Sutonu, direktoru Sutona iz Širokog Brijega, Dževadu Opardiji, direktoru Servistrans d.o.o. Donji Vakuf, posthumno Josipu Vukadinu, osnivaču Infosofta iz Sarajeva, Mirsi Tuće koja je obnašala odgovorne funkcije u Željezari Zenica i ArcelorMittalu i Snježani Kopruner, direktorici Tvornice mašina Travnik d.d.

**Velike povelje su uručene:** Tomislavu Grizelju, vlasniku kompanije Grizelj, Mladenu Pandureviću, aktuelnom direktoru Udruženja poslodavaca FBiH i Safudinu Čengiću, direktoru Centrotransa Sarajevo.

## UTROŠENA SREDSTVA ZA REDOVNU I SVEČANU SKUPŠTINU

RED.BR.	OPIS TROŠKOVA	IZNOS U KM
1.	<b>BLOW UP</b> (ambijentalna rasvjeta, led ekran, LDC monitor, Razglasni system, govornica sa brendingom, svijetleći pult sa brendingom, rad tehničkog osoblja)	<b>5341,05</b>
2.	<b>HOTEL HOLIDAY</b> (ručak na bazi švedskog stola i osvježenje)	<b>6359,50</b>
3.	<b>VIA MEDIA</b> (usluga angažmana hostesa)	<b>383,76</b>
4.	<b>VODITELJICA</b> (Ika Ferrer Gonzales)	<b>474,37</b>
5.	<b>IZVOĐENJE MUZIČKOG PROGRAMA</b> (Aida Mušanović Arsić)	<b>1510,12</b>
6.	<b>MINEX TRADE</b> (štampanje promotivnog materijala koji se dijelio na Skupštini)	<b>6525,00</b>
7.	<b>BLICDRUK</b> (izrada plaketa i kožnih fascikli)	<b>1009,71</b>
8.	<b>SNIMANJE</b> (foto i video zapisi, montiranje videa)	<b>1700,00</b>
9.	<b>Cvijetni aranžman</b>	<b>70,00</b>
	<b>UKUPNO</b>	<b>23.373,51</b>

Dana 27.02.2017. godine na sjednici Upravnog odbora UP FBiH donešena je Odluka o uplati dodatnih sredstava za održavanje sjednice svečane Skupštine UP FBiH. Na osnovu navedene Odluke kompanijama koje imaju predstavnika u Upravnom odboru UP FBiH i Ekonomsko-socijalnom vijeću FBiH dostavljene su fakture u iznosu od po 1.000,00 KM.

Udruženje poslodavaca FBiH je početkom marta mjeseca fakturisalo 26.000,00 KM, a do danas je naplaćeno 15.000,00 KM, s tim da postoje obećanja o uplati još 6.000,00 KM. Udruženje poslodavaca FBiH će troškove, koji budu veći od naplaćene dodatne članarine, platiti sredstvima iz redovnog poslovanja.

Na svečanoj Skupštini, Udruženje je doniralo po 2.000,00 KM slijedećim humanitarnim organizacijama: Muslimansko dobrotvorno društvo "Merhamet, Srpsko dobrotvorno društvo "Dobrotvor", Kruh svetog Ante i Crveni križ Federacije BiH.